

ويلات ويلات ترجف الحومه
صولات صولات شدها بعزومه
هذا جاسم .. هذا جاسم

نزل جاسم مثل صولات جده
ايتبختر كأنه الموت عيده
مايهاب المنايا وماترده
لو سيوف العدا تقطع وریده

صيحات صيحات بصوته تنفجر
هيهات هيهات من شبل حيدر
هذا جاسم .. هذا جاسم

وهتف صوته بغضب يا آل امية
انا ابن المجتبي وحامي الحميه
(إن تنكروني) انا طه جدي
ولجل ابو اليمه ارضها المنيه

يفداه يفداه بجسمه والمنحر
والموت والموت مرجله ومفخر
هذا جاسم .. هذا جاسم

يخطف ابصار ومنهم يحصد ارواح
تميل بيديه المعاره چنه البين
صال بيهم وكله امخضب اجراح

يهتف أهلاً بموتي ويسلم حسين

لَبَّاهِ لَبَّاهِ بروحه وبدمه
وفاه وفاه عهده الـ عمه
هذا جاسم .. هذا جاسم

على اليسرى البطل واليمينه عباس
حارت أهل الردى بالهاشمية
هذا چنه الحسن مايعرف الخوف
وهذا ضرباته چنها حيدرية

لحسين لحسين بس نذره عمره
والبين والبين ماكسر صبره
هذا جاسم .. هذا جاسم

زلزل الغاضريه وزلزل الكون
عرسه بين المنايا وسيفه يشهد
عايف الدنيا راحصها حياته
ومن جبينه تشع هيبه محمد

بجروح بجروح منها خط مجده
بالروح بالروح والدمه فده
هذا جاسم .. هذا جاسم